

4  
AD ILLVSTRISSIMVM  
ET REVERENDISSIMVM DOMI-  
NVM D. IOANNEM TARNOWSKI  
DEI GRATIA EPISCOPVM  
POSNANIENSEM,

*PETRI LILIÆ S.T. Doctoris, Canonici Posna-  
niensis, & Præpositi Sredensis,  
ORATIO.*

Habita Szrodæ in Comitijis Equestribus pro felici  
eiusdem Illustris. & Reuerendissimi Antistitis  
in suum Episcopatum ingressu.



*Anno Domini M. D. XCVIII. in festo Con-  
uersionis S. Pauli.*



*POSNANIÆ,*

In Officina Hæredum Ioannis Wolrabi, Imprimebat  
Martinus Bernbroch. 1598.

IN STEMMA ILLVSTRISSIMI ET REVERENDIS-  
SIMI DOMINI D. IOANNIS TARNOVSKI DEI  
GRATIA EPISCOPI POSNANIENSIS



*Non quævis tellus flores producit amænos;  
At tuus iste rosas vomer auitus arat.*

POZNANIE

In Officina Typographica Johannis Weyssii  
1728. 821. 1728.

AD ILLVSTRISSIMVM  
ET REVERENDISSIMVM DOMI-  
NVM D. IOANNEM TARNOWSKI DEI GRATIA  
EPISCOPVM POSNANIENSEM,

*Petri Lilia S.T. Doct̃oris, Canonici Posnaniensis,  
& Sredensis Prap̃ositi, O R A T I O.*



Vdi obsecro, Illustrissime & Reueren-  
dissime Antistes, quid in tuo felicissi-  
mo & nobis omnibus optatissimo in  
Episcopatum ingressu spiritus huius  
Sredensis Ecclesię tibi dicat: Sreden-  
sis, inquam, Ecclesię, quę tametsi ad  
aspectum vile oppidum videatur; nō  
est tamē, vt cum Propheta loquar, mi-  
nima in Principibus Iuda. Hęc enim  
a Basilienti generali Concilio, sub idē tempus quo Beatissimę  
Virginis Marię Conceptionis diem sacraret, & Romanę Or-  
thodoxęq; Ecclesię Gręcos conciliaret, in Collegiatam Ec-  
clesiam fundata est: nimirū sacrum illud Concilium generale  
eius Ecclesię decus ad augendam Dei gloriam pertinere iudi-  
cavit: hęc semel fidem Christi susceptā, in eo loco ita tutatā est;  
vt Sroda nullum ferat hęreticum, Iudęum non patiatur, sem-  
perq; eos alar, qui non curuāunt genua ante Baal: hęc non  
paucos hęreticos Catholicę Ecclesię restituit: multos ex fau-  
cibus dęmonis eripuit: plurimos a scelere ad innocentiam re-  
uocauit: hęc sępius comitia nobilitatis a maxima perniciē &  
peste salutaribus consilijs auertit: irasq; effervescentes a eadē  
& incendio patrię compescuit. Omne enim bonū non huma-  
nis consilijs constituitur; sed de sursum descendit a patre lumi-

num.). Huius igitur Ecclesiæ Sredensis spiritus quid tibi in hoc primo & felicissimo aduentu dicat, audi obsecro: quod vt facias à te humillime iterum atq; iterum postulamus. A vobis etiam, Amplissimi Senatores, cæteri; Auditores ornatissimi enixè petimus; vt nostram hanc qualemcunq; gratulationem & Antistiti nostro debitam, & vobis, vt spero, non iniucundam, & nobis nostroq; officio congruentem, me benignè attenteq; audiendo, prosequi velitis.

Magnum illud fuit, Illustrissime & Reuerendissime Antistes, cum Sigismundus III. Poloniae Rex, mortuo Reuerendissimo Luca Koscielecio, te Episcopum Posnaniensem designauit. Est enim eius Regis singularis pietas & sapientia: quæ duo efficiunt; ne aliquid optimus Rex sine magno consilio molliatur. At profecto multò maius est & Ecclesiæ salutaris: cum ipsemet Iesus Christus totius vniuersitatis Dominus & mundi redemptor diuinæ suæ providentiæ manu Episcopale diadema coronam de lapide precioso, tuo sacro capiti imposuit: te gloria honoris coronans, & ope fortitudinis corroborans, super opera manuum suarum, quas clauibus pro humani generis salute cruci affigendas permisit, principem constituit: teq; vnum ex multis præstantibus viris delegit: cuius potissimum opera in excolenda huius Dioecesis Posnanienfis vinea vteretur. Hanc igitur Dei gratiam hoc immortale decus, hoc Ecclesiæ solatium, hoc Reipubi: columen, hoc proborum perfugium, hoc gloriæ Dei propugnaculum, tibi hodierno die nos huius Ecclesiæ Sredensis sacerdotes maxima & diuina quadam lætitia incensi gratulamur, & immortalī Deo immensas agimus gratias: quod te talem Episcopum creârit; qualem afflicta Ecclesia Iesu Christi requirit, perturbata Reipub: exposcit, probi omnes ad auertenda imminencia multa & maxima pericula exoptant, oppressi desiderant, pupilli expectant, mali metuunt, hostes reformidant; & cuius desiderium & sollicitudo Ecclesiæ Dei

Dei animum noctes diesque exedebat. Paucis verbis diuinitatem quandam in tua ista dignitate conclusimus. Sed ne alicui de tua ista excellentia & Ecclesiæ Iesu Christi maximo bono ex aliorum exemplis dubitatio obrepatur, huius tuæ felicitatis & nostræ gratulationis rationes paucis explicabo.

Ego de Episcopatu, hoc est maximo in Christi Ecclesia honoris & dignitatis gradu aliter sentio; quam fert plebis & multitudinis opinio. Hæc enim cum maximam felicitatem, in rerum affluentia & honoribus statuat; in Episcopatu summa omnia arbitratur, opes & honores: quæ etsi inter media bona & virtutis adminicula & instrumenta à sapientibus viris iure optimo numerantur: nullo tamen pacto summa censentur bona: utpote cum sint caduca immortalis animi statum nulla ratione attigerunt. Longè diuiniora & excellentiora in Episcopatu sapientes & sancti viri suspiciunt & admirantur: quæ si oculis homines cernerent, ad multò maiorem Episcopis deferendum honorem, planeque coelestem & diuinum, excitarentur omnes. Numen enim quoddam in terris, Deus Episcopos esse voluit: & inter splendentes firmamenti & Regni coelestis Stellas Solem splendidissimum: quod non ex hominibus didicimus, nec solum ex sapientum doctrina hausimus; sed etiam ab ipso Deo accepimus. Danielis. n. sanctissimi vatis oraculū in firmamento Ecclesiæ Dei & coelesti illius orbe doctos ceu micantes Stellas collocauit. At Episcopi & docti, & alijs omnibus in Ecclesia Dei ad omnem dignitatem & præstantiam antecellunt. Ipsi enim sunt ministri Apostolicæ dignitatis. Itaque cum docti, qui animos hominum ad sapientiam & pietatem informant, sint Christi Ecclesia Stellæ; certè Episcopi Soles sunt & splendidissima astra. Nam in illa coelesti regione secundum Solem stellis nihil est præstantius, nihil admirabilius, nihil diuinius. Atque eius quidem diuini Solis Episcopali officio & munere Christi Ecclesiam illustrantis, tanta est præstantia, tanta excellentia & ma-

iestas tanta; vt ipsemet Iesus Christus Dei Filius in eo suum posuerit tabernaculum tot tantisq; diuinis muneribus & donis ex preciosissimo sanguine pro genere humano effuso circumfluens atq; redundans: **IN SOLE**, inquit Regius Propheta, **POSVIT TABERNACVLVM SVVM**. En igitur Episcopi opes: en honores. Vltra quo progrediar habeo: & in Episcopatu demonstrabo maiora & diuiniora: imò verò non ego; sed demonstrabit sanctissimus Rex & Propheta Dauid. Nam ex eodem tabernaculo in Sole Episcopalis muneris constituto Iesus Christus procedit tanquam sponsus de thalamo suo. In quo Episcopi maxima præstantia cernitur. Quis enim ignorat eos omnes ex Iesu Christi gratia excidisse, qui à pastoris sui obedientia errore & amentia desciscunt? Non enim hominis, sed ipsius Iesu Christi illud est decretum, in tabulis legis diuinæ incisum: **QVI VOS AVDIT, ME AVDIT. ET QVI VOS SPERNIT ME SPERNIT.** Itaq; ad eos qui iugum Domini suaue excutiunt, non procedit ex suo tabernaculo Christus tanquam sponsus de thalamo; sed tanquam sceleris ultor & impietatis vindex acerrimus; vt eos sui furoris telis confodiat, & flammis æterni supplicij conficiat & consumat. Ad eos verò qui in Episcopali, hoc est, in tua ista dignitate, Iesum Christum agnoscunt: qui in te auctoritatem eius intuentur: qui te Pastorem, Prophetam, & tanquam Moysen, & Ducem, ac sacerdotem sibi esse diuinitus datum suspiciunt, venerantur & obseruant: qui tuæ voci obtemperant, alienos clamores non audiunt: qui tuis monitis tanquam Christi parent: qui tua consilia velut diuina sequuntur, Iesus Christus ex suo tabernaculo procedit, non tanq̃ vindex & iudex seuerus; sed tanq̃ sponsus de thalamo latissimus. Procedit aut̃ primum ad eorū hostes deprimendos, frangendos conterendosq;: deinde verò ad eos suo diuino splendore collustrandos, in libertatem pristinam vindicandos, ad eorū animos erigendos



gendos & coelestibus bonis augendos & locupletandos: & quod omni admiratione & stupore dignum est, ad homines natura viles, conditione seruos, fortuna miseros in summa illa felicitate & immortalī gloria cohæredes sibi constituendos & nūptiali foedere & amicitia secum iungendos & copulandos.

At dices hæc quidem esse prodigijs omnibus admirabiliora; verum Iesu Christi propria. Sic profectò est. Itaq; Episcopi munus, ad tam celsū præstantiæ & dignitatis gradum Dei immensa clementia euexit; vt imperium illud, quod attestante Isaia, est super humeros eius diuisum cū Episcopis Christus habeat. Magnum decus, magna dignitas, non verborum amplitudine; sed rei pondere, nec in antrum retrusa; sed in luce & oculis omnium defixa: & à Iesu Christo in candelabro collocata; vt ab omnibus, qui sunt in domo videatur. Quòd si ea lucerna à Christo accensa aliquorum quasi per caliginem perstringit aciem animi: id accidit eorum vitio. Omnis enim caligo clarissimis, quæ protulimus Christi testimonijs & Vatum oraculis discussa est, lucent, patent omnia. Atq; cum alijs multis argumentis seipsam in lucem profert, seq; omnibus videntam porrigit; tum illa etiam summa in terris & in coelis ligandi soluendiq; potestate: quam cū Christus cum Episcopis communicauit, omnes gratiæ suæ fontes in illorum munere & officio ita conclusit; Vt quæcunq; illi soluerent in terris; in coelis quoq; soluerentur, & quæ ligarent in terris; in coelis quoq; arctis vinculis ligata & constricta tenerentur. O diuinam & non hominum tantū prædicatione, sed & Angelorū linguis, Archangelorū vocibus & Seraphinorum diuinis acclamationibus celebrandam Episcoporum dignitatem! Quid enim eo munere, quo summa illa hominum beatitudo constat excellentius? quid diuinus? quid admirabilius? Meritò igitur D. Paulus se imprimis, deinde eos qui Apostolicam gerunt dignitatem non hominibus tantum, sed & Angelis & Deo admirabiles esse clarissima

voce fatetur: **SPECTACVLVM**, inquit, **FACTI SV.**  
**MVS ANGELIS DEO, ET HOMINIBVS.**  
Sed cur, ô diuine Paule, spectaculum facti estis? in quo Deo  
& Angelis tantam admirationem commouistis? **QVIA**, re-  
spondit **D. Paulus**, **ADIVTORES DEI FACTI SV.**  
**MVS.** Si in creationis opere magnum est: si in redemptionis  
maius: si in vtroq; maximum & admirabile. In vtroque  
autem Episcopi cum **D. Paulo Christo** operam suam nauant.  
Opus enim redemptionis & vim infinitam & precium im-  
mensum in se comprehendit. Non igitur qualescunq; adiuto-  
res Dei sunt Episcopi, non qualiacunq; instrumenta; sed prorsus  
diuina & admiranda.

Ad finem propere cui hoc reseruatum est; vt quid in eo ge-  
nere præclarissimarum Christi actionum Episcopi munus va-  
leat, quamq; rationem causæ assequatur, quam clarissimè ex-  
primerem. Non enim vt Reges solent; sic Deus confert di-  
gnitates & honores. Illi enim honores tribuunt; sed virtutes  
honoribus debitas non tribuunt. at Deus cum honore & digni-  
tate virtutem tribuit. Non prius Moysen in Pharaonem consecra-  
uit; quam illi virgam illam porrexit, qua mare diuisit, & ex  
petra flumina eduxit. Non prius Apostolos in omnes regiones  
terræ dimisit, quam eos virtute ex alto induit. Non prius Pau-  
lum periculis obiecit; quam in tertium coelum rapuit. Non  
prius Stephanum in concilio Iudæorum statuit; quam eum ple-  
num gratia & sapientia, & prodigijs admirabilem effecit. Non  
prius Laurentium Diocletiano opposuit; quam ardentibus di-  
uini amoris flammis pectus illius incendit. Itaq; de Episcoporum  
munere ita nobis ratiocinandum est. Vt Solem istum Deus  
clementissimus in sublimi coelo collocauit; vt per eum tan-  
quam causam secundam & instrumentum nobilissimum omnia  
ista, quæ infra lunam sunt, excitaret, multiplici vigore instrue-  
ret & insatiabili quadam vestiret pulchritudine; ita Iesus Chri-  
stus



stus Dei Filius, in altissimo Ecclesiæ coelo primum quidem, vt  
D. Paulus ait, posuit Apostolos: per quos, ceu Solem quendam,  
diuinitatis lumen in homines spargeret: omniaq; illa coelestia  
bona, pretioso sanguine parta, velut riuus quibusdam, in electos  
suos effunderet. An non est illa Christi Domini vox ad Aposto-  
los: **VOS ESTIS LVX MVNDI?** Atqui Episcopi, po-  
steaquam Apostoli ad beatas sedes translati sunt, ad eorum vi-  
cem accesserunt. Pleni sunt ea re, Apostolorum libri. clarissime  
id Paulus in Tito & Timotheo ostendit. Deniq; ipsum munus  
Episcopi, ceu in quodā speculo, Apostolicam dignitatē in se re-  
præsentat. Apostolis enim summa, illa ligandi soluendiq; pote-  
stas imprimis concessa est; concessa est & Episcopis. Apostolis  
datum est, nosse mysteria regni; datum est & Episcopis: & vt  
Apostolos; sic nunc Episcopos clementissimum Deum, super  
omnem terram Principes constituisse, luce palam intuemur.  
Ergo vt Apostolos; sic nunc Episcopos Christus Dominus his  
vocibus appellat: **VOS ESTIS LVX MVNDI.** Ergo  
eum idem clementissimus Deus, te Antistes Amplissime, ad  
Episcopi munus vocaret, tibi quoque dixit: **TV ES LVX  
MVNDI.** Dicere autem Christi, est facere, **IPSE enim  
DIXIT, ET FACTA SVNT: IPSE MANDA-  
VIT; ET CREATA SVNT.** Ex quo concluditur, cum  
tu ad clauum, huius Diocesis amplissimæ imperio Iesu Christi  
confedisti; vt illum Eliacim filium Elciæ, vt est apud Isaian; sic  
te Deus tunica sua induit, balteo suo præcinxit, potestatē maxi-  
mam in manus tibi tradidit; vt sis quasi pater habitantibus Hie-  
rusalem, & domus Iuda: tibi clauem domus David tradidit; vt  
aperias, & nemo sit qui claudat, & claudas & nemo sit qui ape-  
riat. Deniq; omnem gloriam domus patris sui, in te contulit; vt  
splendore diuino circumfusus, & virtute ex alto confirmatus, di-  
spersa congregares, confracta colligares, infirma erigeres, for-  
tia consolidares, & vt Sol splendidissimus, scelerum & impieta-  
tis te-

tis tenebris disiectis, & dissipatis, totam Dioecesim Pofnanien-  
fem, tuæ sapientiæ & pietatis luce compleres & illustrares. Hæ  
sunt tuæ opes, hæc ornamenta, hæc dona, & pignora diuinæ  
gratiæ.

Hic mihi iam, Præful Amplissime, ad pietatem cohortan-  
dus esses. Nam & Ietro monuit sapientissimum Moysen, & Du-  
cem Israël. Sed tot tantq; bona, cum Episcopatu in te diui-  
nitus collata, ad virtutem & pietatem maximo tibi esse incita-  
mento, certò mihi persuadeo. Nam quæ alios in fastum ele-  
uant; ea ad illam admirabilem humilitatem, qua S. Martinus  
laudatissimus Episcopus luxit, tuum animum deprimunt: quæ  
in alijs Dei amorem extinguunt; ea flammis illis quibus S. Adal-  
bertus, & Stanislaus Sanctissimi Episcopi & Martyres Poloniae  
flagrârunt, pectus tuum admirabiliter incendunt. Itaq; totam  
meam cohortationem, his paucis D. Pauli verbis concludam:  
**NOLI NEGLIGERE GRATIAM, QUÆ DA-  
TA EST TIBI.** Non negliges autem: cum lumbos tuos  
disciplina SS. Patrum præcinges: cum lucernam accensam, hoc  
est ardentem in Deum & homines charitatem gestabis: te lu-  
cem reputans & lucernam accensam, nullum cum vitiorum te-  
nebris commercium habebis: **QUÆ ENIM,** ait D. Paulus,  
**CONVENTIO EST LVCIS, CVM BELIALI**  
cum quantum Sol à terra distat; tantum te non solum ab ira,  
odio & vindicta, quæ tu semper vt pestem horruisti; sed etiam  
à leuissima contagione animi, & vitio seiunges: cum tuba  
illa terribili & Michaëlis Archangeli voce: **SVRGITE**  
**MORTVI AD IUDICIUM,** & comedens & bibens, &  
in templo, & in Senatu, & domi, & foris animum tuum, ad ma-  
ximam pietatem, humilitatem, modestiam, patientiam, exci-  
tabis: cum ad illas beatas sedes, quas tibi Iesus Christus in im-  
mortali gloria parauit, & tibi vnâ ex illis inter Patriarchas,  
Apostolos, & sanctissimos Episcopos, & vigilantissimos Pasto-  
res de-